



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Evilmerodac Rex Babylonior.

**urn:nbn:de:hbz:466:1-11490**

ætatem libello, sine authoris nomine reperirem, in quo  
 1 regum Babyloniorum tempora continebantur, quam præ-  
 2 tereundam non putavi. Siquidem & 2 Chronicis consenti-  
 rent, & ita illius nobis ratio quadraret, ut per ordinem re-  
 gum, quorum tempora continebat, 3 usque in primum  
 Cyri regis annum, LXX. annos, (tot enim per Sacram hi-  
 storiam, à captivitate usque ad Cyrum, fuisse referuntur)  
 impleret.

1 VIII. Post Nabuchodonosor, filius ejus, regnum est  
 adeptus, quem in Chronicis 4 *Evilmarodach* fuisse vocitatum  
 2 reperi. Hic 5 duodecimo imperii anno 6 diem functus, 7 fra-  
 tri

five id annale fuerit sive seculare, eoque  
 per genealogias digesto & temporum  
 successu à diversis aucto. Cujusmodi eo  
 tempore fuisse plurima ex uno hoc com-  
 pendio videre est. Scribi itaque hic for-  
 tasse commodius possit, in interpolato per  
 ætates libello. Gifelin.

1 *Regum Babyloniorum tempora.*] Quæ  
 sic quidam digerunt ex Megasthene &  
 Berofo. Nabopollassar ann. xxxix. Na-  
 buchodonosorus ann. xxx. post patrem  
 Evilmerodochus ann. ii. Nereglissoorus  
 affinis Evilmerodochi ann. iv. Balta-  
 sar, qui & Laborosoarchodos, Nabu-  
 chodonosoris ex filia nepos, mens. ix.  
*Drusius.*

2 *Chronicis.*] Si Eusebii Chronica  
 intelligit, non video qui hoc verum esse  
 possit. Nam Eusebius longe aliter sup-  
 putat annos captivitatis. *Idem.*

3 *Usque in primum Cyri regis annum  
 LXX. annos.*] Hos annos alii dinume-  
 rant à capto Jechonia. Eusebius qui à  
 captivitate Sedecix incipit, eos desinere  
 scribit in annum secundum Darii. Func-  
 cius hoc modo eos putat: Nabucho-  
 donosorus post captum Sedeciam re-  
 gnavit annos xxxvi. Evilmerodach xxx.  
 Regasar iii. Labosardach vi. Balsasar  
 iv. ecce Lxxix. Nam septuagesimo anno  
 redierunt in terram patriam, qui fuit pri-  
 mus annus Cyri. *Drusius.* Sigonius sic:  
 Nabuchodonosor annos xxxvi. Evil-  
 merodach xii. Balthasar xiv. Darius

xvi. Sed vide Calvisium, Petavium,  
 Tirinum & alios Chronographos. Nam  
 controversia hæc tam intricata est ut  
 paucis expediri non possit. Illud certissi-  
 mum est LXX. annos primo Cyri Mo-  
 narchæ anno finitos. Falsissimum con-  
 tra, Nabopolassarem esse eundem cum  
 Nebucadnesare, Nabonassarem cum Sal-  
 manassare. Quam opinionem Funcii  
 Scaliger solide expugnavit. *Horn.*

4 *Evilmerodach.*] Imo sic vocatur, Je-  
 rem. 52. 31. & iv Reg. 25. 27. *Drusius.*  
 Ptolemæo Ilvarodamus voca-  
 tur. Daniel Evilmeroduchi & Neriglissar-  
 is tempora transfilit, quod per ea nihil  
 contigisset ad Judæos pertinens. *Grotius.*

5 *Duodecimo imperii anno.*] Dissentit  
 à Josepho, qui scribit eum præfuisse  
 ann. xviii. Megasthenes vero & Bero-  
 sus Babylonius ac Josephus ei tribuunt  
 duntaxat ann. ii. *Drus.*

6 *Diem functus.*] Imo interfectus est  
 à marito Sororis suæ Neriglissoro. *Bero-  
 sus* iii. Chaldaic. apud Joseph. i. con-  
 tra Apion. Ei successit non Balthasar, ut  
 Sulpicius vult, sed ipse Neriglissorus.  
 Huic post quadriennium Laborosoar-  
 chodus, quem excepit demum Naboni-  
 dus, Herodoto Labynitus, Danieli Bal-  
 thasar.

7 *Fratri minori.*] Sic & Eusebius. Quæ  
 sententia omnium optima. Nam Jose-  
 phus & alii in serie ac annis horum Re-  
 gum gravissime errant. Pererius vult  
 cum

tri minori, qui <sup>1</sup> *Balthasar* dictus est, locum fecit. Is cum <sup>3</sup> <sup>2</sup> quarto & decimo anno, <sup>3</sup> publicum epulum principibus ac præfectis suis daret, sacra vasa, quæ per Nabuchodonosor de templo Hierosolymæ ablata, ac in regales usus usurpata,

eum fuisse filium Evilmerodachi, ex Jerem. cap. 27. *vsq.* 7. Alii nec filium, nec fratrem, sed eundem cum Evilmerodacho. Quia Daniel eum statim Nebucadnezari subjungat. Deinde, quia semper eum vocat filium Nebucadnezaris. Denique quia Jeremias 1.2. eum vocat Merodach, quod idem ac Evilmerodach. Ac juxta hanc sententiam dandi sunt Balthasari anni regni xxxiv. Sed ex omnibus nulla probabilior quam Sulpicii nostri, fratrem Evilmerodachi minorem fuisse. *Hern.* Alii scribunt Balthasarem non fuisse fratrem Evilmerodachi, sed sororis filium. Sane à Beroso & Megasthene vocatur *Λαβοροσοῦρχιδος* *Ναβουδονοσοῦρος* *θυγατριδῆς*, id est, ex filia nepos. Is est Balthasar. *Drus.*

*1 Balthasar dictus est.]* Hic Balthasar non potest alius esse quam Laborosarchodus, ut scribit Berosus, sive Laborosarachus, ut scribit Abydenus, qui ambo eum interfectum memorant. Breve oportet regnum habuerit, quia omittit ejus nomen Ptolemæus. *Grot.* Nabonidum, quem postremum in Berosi catalogo recensuimus, Joseph. 10. Art. 12. Baltasarem esse putat, cujus in Danielis libro mentio est. Hic vero Josephi mira est oscitantia; qui illos ipsos, unde hanc historiam descripsit, auctores, incuriose legit. Testis est enim Megasthenes Nabonidum nullo propinquitatis jure cum Laborosarchodo fuisse conjunctum. At Balthasar ille Danielis non alienis utique successit: sed paternum & avitum sortitus est regnum. Verba Berosi, *ἀπλοῦργα δὲ τῆς σωιλόντες οἱ ἐπιβλασάντες αὐτῷ κενὴ τὴν βασιλείαν παρέβηκεν* *Ναβονίδα πνὶ εἰς Βαβυλῶνα* *οὐκ ἐν τῇ αὐτῆς ἐπιστάσεως.* Non possunt hæc de legitimo ejus, qui

mortuus erat, hærede, ac successore dicta videri: sed de peregrino, & adscititio; cujusmodi Baltasar non fuit. Non est igitur idem cum Nabonedo Baltasar, sed potius cum Laborosarchodo Nabuchodonosori nepote, ex ejus filia, quæ Neriglissaro nupsit, ut scribit Berosus. Neriglissarus vero, quasi tutorio nomine, pro filio Laborosarchodo seu Baltasare regnum administravit. Hinc est, quod Baltasari tertius annus tribuitur à Daniele. Quod autem Hieremias prædixerit, Deum Nabuchodonosoro, ejusque filio, ac filii filio regnum esse daturum; *filii* nomen pro genero sumi potest. Ita Davidem filium appellat Saul. Hieronymus quoque, ubi Nabuchodonosor pater Baltasaris vocatur, proavum significari asserit; ut mirum non sit, si, ut *patris* appellatio, ita *filii*, à propria notione ad minus propriam aliquando transferatur. Nam & 11 Paral. cap. 22. *vsq.* 2. Athalia Amri filia dicitur, quæ neptis esset. *Petavius.*

*2 Quarto & decimo anno.]* Josephus autor hæc accidisse anno regni ejus decimo septimo: à quo dissentiant non parum, qui ei tantum annos quinque assignant. Qui Laborosarchodum eundem faciunt cum Baltasare, tribuunt imperio ejus menses 1x. duntaxat: quod Josephus prodidit de Labosardacho (sic eum appellat) quem diversum facit à Baltasare, *qui Babylonis*, inquit, *Nabonidel nominatur.* Alibi est Nabonidus sive Labonidus pro eodem. *Drusius.*

*3 Publicum epulum.]* Daniel. 5. Joseph. x. 11. Solebant id interdum facere Orientis Reges, ut ex Herodoto 1. & Xenophonte 7. apparet. Multi putant Balthasarum obsessum à Persis & Medis, ut ostenderet se hostes suos despiceret, hoc convivio suos excepisse. Id quod in simili